

Inuit Pisinnaatitaaffii pillugit Sullissivimmik pilersitsinissaq sulissutigeqqullugu aamma Naligiimmik pineqarnissaq pillugu Ataatsimiititaliamik pilersitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Inuit Pisinnaatitaaffii pillugit Sullissiviup Inuit Pisinnaatitaaffiit Kalaallit Nunaata Siunnersuisoqatigiiviniq allatsitut sullissineq tigussavaa taamatullu Naligiimmik pineqarnissaq pillugu Ataatsimiititaliaq allatseqarfittut sullisissallugu.

(Siunnersuummik saqqummiussisuuvoq Inatsisartuni ilaasortaq Aaja Chemnitz Larsen, Inuit Ataqtigiit.)

Aaja Chemnitz Larsenip maanna Folketingimi issialerneranut atatillugu immikkoortoq Inuit Ataqtigiit Inatsisartuni ilaasortaataannit tiguneqarpoq.

Akissuteqaat

(Pinngortitamut, Avatangiisinut Inatsisinillu Atuutsitsinermut Naalakkersuisoq)

Aappassaanneerpeqarnera

Aallarniutigalugu inatsisilerinermut ataatsimiititaliaq aalajangiiffigisassatut siunnersuummik peqqissaarussilluni suliaqarneranut qutsavigerusuppara. Nunatsinni innuttaasunut tamanut atugassarititaasut pitsanngortinneqarnissaat Naalakkersuisunut pingaaruteqarpoq.

Kalaallit Nunaata Inuit Pisinnaatitaaffiit Siunnersuisoqatigiivi sulilluarsimapput, tamannalu pillugu uummammit pisumik qutsavigaavut.

Matumuuna inatsisilerinermut ataatsimiititaliaq allannguutissatut siunnersuutaa akuerineqassasoq Naalakkersuisunit inassutigaarput.

Qujanaq.